

BREURIEZ AR VUGALE

Ton kelven.

DISKAN

*Breudeur bihan Breiz-Izel
Meulit Doue ho Tad,
Da veza grêt deoc'h genel
E Breiz, en eur vro vad.
Ni siouaz ! a zo ganet
Touez an dud divadez,
Ni siouaz ! zo dilezet
Gant hor mam didruez.*



I

Lavarit deomp, breurigou,
O chom er broiou pell,
Perak var-zu an envou
Ne droit morse ho sell,
Evel m'hon deuz-ni desket
Gant hor mammou kristen
Var ho brec'h p'edomp douget,
P'edomp var ho barlen ?

II

Lavarit deomp, breurigou,
Ha klevet peuz hiskoaz
E z'euz eur Mestr en Envou,
En tu all d'an oabl glaz ?
« Eur Mestr leun a zantelez
» A zo er Baradoz,
» Hag en dro dezhan Elez
» O kana deiz ha noz. »

III

Lavarit deomp, breurigou,
Piou eo en deuz krouet
An heol azioc'h hor pennou,
Al loar hag ar stered ?
« Ni a voar int gant Doue
» Krouet euz a netra,
» Ganthan int laket a-ze
» Dirazomp da bara. »

IV

Lavarit deomp, breurigou,
Piou eta a viskaz
Ho mantel aour d'ar bleuniou,
D'ar gwez ho mantel c'hlaz ?
« Ni voar eo Mestr an Envou
» En deuz krouet ker mad
» An dero zo er c'hoajou,
» Ar ieoten zo er prat. »

v

Lavarit deomp, breurigoù,
 Piou ro deomp ar vuez,
 Da greski a nebeudou
 Ha piou hon lak bemdez ?
 « Ni voar teu digant Doue,
 » Ha diganthan hebken,
 - Hor c'horf koulz hag hon ene,
 » Hag oll vadou an den. »

VI

Lavarit deomp, breurigoù,
 Piou roaz d'ar goulmig
 Pleunker gwennhagarbleuniou,
 Ha mouez dous d'an eostig ?
 « Doue a ro he c'hened,
 » He dra da bep hini,
 » Eur galon vit he garet
 » Eun teod vit he veuli. »

VII

Lavarit deomp, breurigoù,
 Piou a lak da zavel
 Ed alaouret er meziou,
 Ha frouez er gwez huel ?
 « Doue a lak ar c'hreunen
 » Da ziouan en ero,
 » Ma ne vennig hor c'houezen
 » Biken eost ne zavo. »

VIII

Lavarit deomp, breurigoù,
 Perak var hon daoulin
 Ni ra bemdez pedennou
 Da noz ha da vintin ?
 « Ni hon deuz desket pedi
 » Doue e tri Ferson,
 » He garet, he adori,
 » Rei dezhan hor c'halon. »

IX

Lavarit deomp, breurigoù,
 Petra a zigouezo
 Pa vezo hor bloaveziou
 Falc'het gant ar maro ?
 « Ni a voar goude mervel
 » E z'euz vuez all,
 » Baradoz d'an dud santel,
 » Hag ifern d'an dud fall. »

X

Ni a glev, breudeur bihan,
 Ho klemmou truezuz,
 Goulen a rit hep ehan
 Anaout, karet Jezuz.
 Ni a roio aluzen
 Evit ho Preuriez,
 Ni lavaro eur beden
 Evidoc'h aliez.

G. - H.

~~~~~

**Imprimatur :**

Kemper, 1 a viz Guengolo 1924.

A. COGNEAU, V. g.

---

Kemper, Moullerez ru an Dudchentil.